

宋詩紀事補遺

宋詩紀事補遺卷之五十七

歸安陸心源伯

許錫

錫字晉之樂平人淳熙中進士令建昌守興國  
用真西山薦官夔路運判興利除弊尋除刑部  
郎中以言事取忤乞祠知漳州不赴致仕卒著  
有家帚集

葛山

平時西北望山峰我忽西行山忽東東望不如西望  
好只猿身已出山中

江西  
詩徵

甘同叔 厲有

鵝翎山

一曰娥翎

俗謂鵝翎未必然娥英恐是古時傳溪聲流盡蒼梧

泪班竹林中聞杜鵑

宋詩拾遺

董居誼 厲有

羣玉山

羈寓零陵過一年每憐兩腳負山川忽從榛莽窺神

祕似與仙家有夙緣

石刻嘉名歲月多苔封蘚剝欲消磨天成有景無人

問不著新亭奈爾何

浮世囂塵不可干漫山琮壁照人寒客來莫認爲頑  
石貝眼還須作玉看

頃年曾入道山來天上圖書不受埃今日有懷羣玉  
府又從人世得蓬萊

經臺石磴鬱深幽曲折中藏自一邱鑿破藩籬都是

路從今任自永人游

零陵縣志

靈仙觀

多病侵尋鬢欲秋自慚何止四宜休青松十里嵩源

路醉倒仙臺是樂丘

撫州府志

戴溪

字肖望永嘉人登淳熙進士官至端明殿學士  
謚文靖宋史儒林有傳

送王木叔黃州教職

龍飛乙科郎白面如琢玉去作幙下士年少二十六  
壯心直如弦不耐公事曲甯知太守尊筆吏驚羣目  
太守豈不賢去郡秉鈞軸銓曹有格法那肯煩薦牘  
依然舊官職再傍天之麓六考未作縣冷官到淮服  
向來豪氣舉斟酒能半斛只今長說病伏飲在胸腹  
皇皇一世憂隱隱兩眉蹙中年苦節省未必不爲福  
我生更迂闊立意要違俗誤使塵網纓同君被纏束

兩家各生子丁壬合天祿但得佳兒婦兩翁志願足  
岷山有舊約相從結口口明朝江上館持被共君宿

宋詩  
拾遺

吳筭

字允成江陰人第淳熙進士敷歷中外所至有  
聲彤書陳耆卿稱其目如電采筆如川駛所交  
如葉水心適陳龍川亮皆相器重終太府寺丞  
集君山

生平豪氣老難降南北中分歎此江多病能消山屐  
幾清游幸尾使旌雙天連遠水碧千里雲護夕陽紅

半窗纔幾主人留客意船頭昏鼓又逢逢

江陰縣志

倪祖常

字子武思第六子淳熙中博學宏詞守徽州有  
古循吏風累官禮部侍郎新湖州府志有傳

祇園寺

梵王宮殿有仙家曾此瑤觴醉碧霞雨過石壇寒象  
緯風來祇寺委龍蛇經翻貝葉相騰瑞飯熟青精味  
勝麻昨日老僧談妙法續紛猶自墜天花

吳興藝文補

趙鳴鐸

淳熙時官萍鄉主簿

寄萍鄉密老

正馬飄然似轉蓬一年兩度過湘東襟間潤帶黃梅  
雨枕上涼生苦棟風急急窮途將底用區區苟祿有  
何功輸他燕坐長廳老默對濃香丈室中

萍鄉縣志

孟行古

呂東萊門人

挽東萊先生

道學方勤績亨途漸致身蒼天傾我淚今日喪斯人  
弟子羣經富先生一語真發揮餘事業何處不書紳  
義路資開拓愀然驚莫亡吾儕自如失夫子獨何傷



往日知醜蔑逢人傲子方哭君心欲折迴立向蒼蒼  
行古上公書有醜蔑之言發於堂下赴子產也公屢歎以爲善用事

陳蒼舒

朝散大夫樞密院檢詳諸房文字兼樞密副都  
承旨

挽崔舍人

早結淵衷眷英名擅四方獻箴誠剴切屢諫極忠良  
勸講黃金殿修辭白玉堂簪紳歆盛美何事遽云亡  
昔宰金淵日獲從二陸游同朝深自喜投袂意相稠  
□□方驚歎公平遽若休佳城知有日老淚灑西州

見崔舍人  
類藁附錄

呂浩

字子陽自號雪溪永康人初以賑粟當補官淳  
熙中領鄉薦會父兄爲人誣構係獄子陽投匭  
上書願納所得官贖其罪書辭甚偉朝奏夕報  
可由是知名

別荊州諸友

荊州三度別此別尤酸冷兼葭逐岸靡烟雨隔林迥  
去掉行且留離觴醉還醒緬懷荊州士鵲立霜毛整  
競爽信何人班班紛脫穎況是清俊流魁然挈裘領

相逢名教樂殊忘舊機境草木臭味同何庸强畦畛  
虎豹識避就甯忍覆陷穽人情不相遠頗諒心耿耿  
眼裡絕荆綦風生獨何幸時恨多曠遠赧容發面頸  
分袂復自茲深淵惜斷綆斷綆無續期分袂有時并  
但願各自殄時當動深省一簣會成山九仞猶棄井  
要令百練金青瑩無留礦大哉乾坤內吾道相與永  
敬鄉錄

題青溪神女祠次東坡韻

青溪爲琳法師道場琳峨嵋人一日思鄉水  
龍女爲致回足鮒爲證

生居萬山中二年依澤國偶于僧曹暇聊欲訪禪默  
再拜神女祠劈山定何術上有琳宮岩作論期破惑  
只今澄潭中異景眩莫執宗源人幽窈峨嵋如可及  
吾聞大地下出沒水中日胡爲二鮪魚欲歸猶未得  
變化乘雲雷那能繫不食山深風竅號天寒日車急  
寄語龍宮君安隱藏故穴近來託恠多勿遺容易測

峨嵋亭

採石山頭月正弦捉月臺邊酒滿船擾擾利名蟻慕  
羶如公豈但酒獨賢平生醉裡詩三千捲起高江作  
長箋悲哉人世隔天淵一日乘風反自然死生在我

不在天欲死得死豈其寃欲罷長風大放顛蒼茫何處可拍肩同上

呂元錫

公著之後淳熙時人

南山留題

龍穴潛幽通海潮璇宮突兀插雲霄三千世界諸天近百二山河故國遙寥落邊城連谷口荒涼古寺倚山腰溪南可款門脩竹何況丁甯已見招石刻

呂定厲有

戲馬臺

據鞍揮指八千兵昔日中原幾戰爭追鹿已無秦社稷  
逝騷方歎楚歌聲英雄事往人何在寂寞臺空草自生  
回首雲山青矗矗黃流依舊繞彭城

徐州府志

### 趙方

衡山人淳熙中授大甯監教授俗甚陋方擇可教者親訓誘之人皆感勵自是始有進士

### 沙岡

問予何酷愛沙岡奇秀山光接水光槐樹綠陰恰似  
蓋天風吹動蟄龍翔

### 嶽亭

南嶽高峰七十二祝融峰直老人星平生最有看山興一上斯亭雙眼青

月池

道人院外一池橫源水流來靜且清明月自能夜夜到鏡光上下鑑虛盈

荷沼

露珠顆顆盪青荷雲錦重重鋪碧波外直中通心獨苦擬諸君子待如何

水閣

四圍綠水繞重重孤閣高撐渺渺中人在閣中憂思

遠應隨水到海涯東

溪魚

溪流渺渺淨漣漪魚躍魚潛樂自知若逐桃花浪裡  
去風雷相送入天池

龍潭

靜深空洞碧沉沉鑑影分明照我心照我心於何處  
是潛龍時見普甘霖

石泉

石上泉流泉上石泉之寒冽石堅貞補天到海何須  
論且慰往來行路人



幽谷

靜虛空濶深盤旋松挂薜蘿籠紫烟嘗引我來尋詩  
料和殘皎皎白駒篇

東岑

讀書茅屋白雲岑日月如流老欲侵岑傍松杉栽萬  
樹於茲十載已成林

衡山縣志

李商叟

臨川人舉茂才學詩于曾茶山請齋名于王洋  
洋名曰養源後官知州箸有半村詩遺見曾茶  
山人趙蕃淳熙稿章泉稿

疎山

忙中安得此身閒杖策西風自往還今日已償雲水

債籃輿帶雨下疎山

宋詩拾遺

章甫 厲有

送馮圓仲入蜀

我本山中人早識雲無心卷舒隨清風或作三日霖  
十年江湖遊復識水之性東西因地形圓折初無定  
卻來閱世人惟公多古風用舍不繫懷略無雲水同  
還來明月舟西泝弄流水雲水遠送迎鷗鷺皆知已  
我今與公別亦若雲水然相望渺江湖萬里同青天

古洗

古人不可見古物亦無幾今朝雙眼明乃識漢時洗  
規模簡而質彷彿古君子年深土銷蝕薄處僅如紙  
篆銘可意逆依稀辨雙鯉傳寶今幾代是閱人多矣  
我生頗好古摩挲不能已悠然起遐思俗物一何鄙

題王朝英歇驢圖

天寒山路長年荒蹇驢瘦風松適相遭金石方互奏  
是中有佳趣捨鞍聊杖藜童奴難與言得句忘吾飢  
懷遠空暮雲憂時當肉食市朝塵泥人歸歟北山北

引陸務觀

江南江北雖一水欲濟無由若千里那知奔走避邊  
塵邂逅西津見君子一飯山間同野僧花前把酒看  
張燈醉吟落紙筆不停留客夜闌雙眼青才氣如公  
端有幾半刺江城聊復爾新年華省用名郎謂韓無咎  
征公合聯翻起人生相知貴知心道同何必問升沉  
客袂此時成暫別詩盟他日會重尋

以王通一所畫小舟橫截春江圖爲韓無咎  
壽

江上春風花滿樹春水才平舊痕處何人笑傲一扁  
舟橫截千波萬波去王郎有句藏毫端寫出生綃半

幅間明窗供我時展玩彷彿羅帶縈烟鬟緘題請壽  
皇華使如公福祿川方至吾口願治正思賢舟楫期  
公濟大川

臨江何氏結亭松間名曰彈秋因王通一求  
乞詩

萬籟從風俱發聲唯松得之尤善鳴五聲不亂無虧  
成膝橫三尺秋月明君家江南一茆屋直幹森森伴  
幽獨人言絲竹不如肉曲肱聽度無絃曲故山偃蓋  
未十圍猿驚鶴怨吾當歸聊憑東風寄君詩風鳴松  
鳴吾不知

次呂伯恭見寄均

魯鈍不知錐處囊嗜好圓鑿投枘方鏡中鬚眉今蒼  
浪多病年來疎酒觴山林舊約都茫茫局促何由心  
膽張半生恍墮水中央疾呼四顧無舟航客舍水餘  
梅杏黃憶君看書看屋梁緘題到手伸讀忙亦知別  
後遙相望我猶駑馬遭絆韁君若鷹鷂之老蒼見義  
勇往柔而剛君不求名名自彰行須正色肅鷄行不  
容燕雀高飛翔辱詩敢忘什襲藏報章勉率聊寄將  
廣廈他時客幾房種成桃李滿江鄉忍使故人趨道  
傍

題王無邪九華圖

雲錦仙翁人不識多生九華茹芝客少年登覽妙形  
容三十七峯俱改色手提高士談墨圖烟雲到處隨  
卷舒珠璣袞袞入題詠縑素往往爭臨摹雪潭四時  
濺飛雪歎我幻軀方病渴何由得其山中人腳踏寒  
流弄明月

同湯叔度兄弟賦秋聲

古木斜陽暮寒江澹月秋蕭騷初滿耳蟋蟀最關愁  
茆屋疑鳴雨雲溪想枕流幾回連別恨爲我過西州  
送潘致虛之湖南

久客兒童狎窮居草木長蛙聲猶鼓吹燕子亦炎涼  
度日工詩律傷時洒淚行輸君載明月先我過瀟湘

題天開圖畫

使君新築北城隈舉酒標名繡斧來一覽江山因勝  
地四時圖畫自天開坐令朱史空盤礴豈有并刀解  
剪裁暇日莫辭頻領客年豐無事好銜杯

戲富王通一

底事重來淮上村九關難上阻司閹短衣他日欲射  
虎堂卽何時看倒盆花著襟裾無定力雪侵鬚鬢有  
愁根天河且挽洗瘡疥若問甲兵君莫論



予歸自都梁魏子深來自滁州坐間酌酒  
道路長年笑此身絕憐塵土浣衣巾飛花數點已愁  
客歸鴈一聲如喚人州縣驅馳君欲老江湖流落我  
嘗貧相逢卻恨成忽遽不醉沙頭爛漫春

寄荆南友人

餘生自拚一虛舟未害尋詩慰客愁梅欲飄零猶蘊  
藉柳纔依約已風流關心弟妹無黃犬入夢江湖有  
白鷗別後故人相念否東風應倚仲宣樓

王夢得念久出遠歸惠詩次韻

年栽桃李已成花久客歸心急莫鴉別後詩新圓似

驛依前瘦馬鈍如蛙路長人困煎茶店春去鶯啼賣  
酒家三徑未荒還寄傲只應清夢到京華

卽事

平邊活國不關儂晝永新添炙背功鳩婦化離天欲  
雨鵲巢低穩絳多風一彈指頃韶光半微破顏時夢  
事空但得餘生無病惱從渠南北與西東

自鳴集

李昌圖

字叔永淳熙中湖廣江西總領十三年爲工部  
侍郎郊恩贈其父少師私命文思院工以銷金  
綾紙爲告爲陳子榮劾落職奉祠乾道中知卞

州

句

建業水長那不飲至今應愧武昌魚

輿地紀勝

李韋之

淳熙壬寅邵州教授嘗序邵陽志

桃源

商山四老人避世還出世桃源獨終隱坐看日月逝

輿地紀勝

邱泰

字仲義一作儀仲高安人淳熙間以孝行著稱

轉運使趙彥操特奏其名孝宗御筆書付史館  
後更名高

文昌橋

玉馬橫江直接艫青黿長此鎮名都川雲占路通三  
峽谿雪衝瀾出五湖不媿授書初志遂每思題柱此  
才無未須擊楫蒼茫裏坐見中流出畫圖

江西詩徵

李孚

字子經江西宜黃人觀書一覽輒記爲文援引  
浩博淳熙中偏游江淮人號書厨著文集數十

萬言

西江志

句

官柳不知興廢事春來還是綠纖纖

興地紀勝

閩蒼舒

厲有

第一山

極目平淮渺莽間翠巒特地起煙鬟  
要渠天下無雙手題作東南第一山

興元

褒城之山劃天罅中有深谷春水生  
漢家興王啟鴻

業蕭相治國留英聲

興地紀勝

王亘

厲有

西樓

西江橫玉虹  
西山羅畫屏  
荒城大如斗  
此樓何崢嶸  
炎嶺狀隴蜀  
三州通蓬瀛  
人烟幾村落  
數點如晨星  
誰識海一涯  
好峯無數青

廣東通志  
古蹟畧

北山

一壑蒼龍玉峯巒  
尺五天人間  
怪泉石嶺外  
好山川  
寺近鯨宵吼  
林深犢晝眠  
謫仙三百載  
此樂有誰傳

廣東通志  
山川畧

張宗彥

淳熙中左朝請大夫知劍州軍州事

玉城山醮壇

圓壇高峙對蒼穹四望羣山萬萬峯東直洞天聞嘯  
虎下窺雲霧隱神龍縈紆石磴蹄泮在幽邃巖扃蘇  
溜封夙駕三林猶喘息高軒千騎更從容雨暘豐歲  
嚴祈禱香火人家罄跼恭隔路脩篁君子竹凝煙蒼  
幹大夫松樓臺遠近聞羌笛井邑參差競晚春極目  
稻塍平浩渺一川麥隴翠蒙茸驟來眼界迷天濶望  
久嵐光逼座濃仙馭幾時飛漢鳥桃源何處問郎蹤  
譙門三弄傳清角田徑諸兒餉老農野馬日中何勃  
勃寒鴻雲外過邕邕狂風掣電多興夏暖景時暉好

在冬阮氏登山誇蠟屐謝公攜妓奏金鐘天公爲我  
除氛祲詩客邀人淬筆鋒吏部遊衡神鬼動非干造  
物貸龍鍾

石刻

張垓

饒州德興人淳熙中知江州府

雲間閣

并序

九日偕同官遊宴南龕之雲間閣酒酣俯瞰  
巴江忽憶杜子美清江一曲抱邨流之句因  
用其句爲首

清江一曲抱邨流古栢千章繞徑幽天半峰巒俱秀



發壁間珠玉爛盈眸遙觀細菊重巖下共作攜壺九

日遊回首家山白雲外還興歸思漫悠悠

保甯府志

杜旗厲有

### 南樓

江漢西來始合流何年此地敞層樓氣吞全楚八九

澤目小中原三百州

輿地紀勝

### 赤壁

老瞞用兵窮百巧指顧荊州淨如掃移舟東下氣方

飽欲把虛弦落驚鳥張公料事何草草便擬河頭植

降旄周郎慮事苟不早嗚呼翻手吳爲沼

同上

汪師旦

淳熙時人

義役

管窺當世務如見肺與肝惟有差役法立判最爲難  
姑以一鄉論利病胡可殫地里有寬狹戶藉有耗繁  
富者產自聚貧者稅不掇懦者畏如鼠強者虎而翰  
選以流水法物力非一般否則白腳差又有丁戶單  
齟齬當不齊可充凡若干今之鳧鷖輩舞文過於殘  
往往憑一紙火急追至官曰汝充保副結姦不鞍  
曰汝任戶長催科不容食稍或稽聽命怒訶裂衣冠

長官一不察揚波助其瀾筮械無完膚路行爲悲酸  
平民如冤苦回睇生理乾事勢不獲已交生訟端  
甲尋乙之後乙搜甲之瘢碎家猶未平甯復生聚歡  
仁人一動心不作秦越看奏曰舉義役少舒民力刊  
而我賢令尹風流謝家蘭和氣春可掬冰壺照人寒  
一斑試政事暫輟登譬如奏庖刀所至悉髀髓  
黃童並白叟環坐相團圞不見良法喧譁絕愁歎  
愚庸且陋未學事邯鄲所恨乏良策持以贊識韓  
一部淳熙書井井不可刊更觀義役行始自陳淳安

楊絳

字伯深淳熙間眉山人

劉敬子心所題桂林棲霞洞詩見寄夢想之

餘次韻奉酬

從教擾擾校虧成且可遽遽了死生八極神遊應有

分幾時杖屨得同行

廣西通志金石

垂虹亭

垂虹臨絕景仙隱寄人間遠水吞平野歸雲補斷山  
空明寬眼界秀迥破天慳深羨鷗夷子扁舟竟不還

吳都文粹續集

陳直卿

晉江人樸子淳熙時知江西新昌縣累官知英  
德府見瑞州府志閩通志

垂虹亭

西望洞庭突兀東連仙里人家笑指闌干三百醉來

就此乘槎

吳都文粹續集

姚舜元

淳熙時人

游大滌

此是名山第一宮仙人何在獨遺踪玲瓏兩洞通元

境突兀一山爲柱峯水泛紅雲出幽谷風吹蒼雪落  
長松何時覓得人間暇徧踏煙嵐翠萬重

洞霄詩集卷二

徐定

字德操温州人調處州教授通判太平州淳熙  
中知潮州卒

挽薛良齋

今古名流特地奇生平學術得眞師纔將管樂爲操  
藴論切周唐入設師經理遠撫歸使節撫循中道稱  
藩麾堪驚四十成埋玉嘆息襟期有未爲

薛浪語集

虞似良

字仲房號橫溪直逸亦稱橫溪老樵餘杭人著  
篆隸韻書行世淳熙中爲兵部郎官成都府轉  
運判官寓居臨海見赤城志

橫溪堂春曉二首

一把青秧趁手青輕烟漠漠雨冥冥東風染盡三千  
頃白鷺飛來無處停

田塍常滿雨常餘綠遍溪南我獨無珍重天公不遺  
物也分餘潤到菖蒲

天台  
別編

胡緝

字舜舉一字熙績丹陽人舉于鄉爲府學正故

秘撰陳東之外孫溫熙間番陽守趙公館于郡  
齋一夕大醉而卒

翠微亭

帆穿萬里江心過雲傍六峯山頂來

錢端禮

厲有

松窓居士以淳熙丁酉歲二月二十日來遊瑞  
巖長安李才翁孫婿王鐸方外支道成同行圍  
棋酌酒久之保禪師證明

塵纓久欲濯滄浪今日來遊大澤塘水似我心心似  
水更無一事可商量



留題授上人曲肱齋

架屋巾山最上頭，曲肱打睡百無憂。  
雲容獻狀留殘雨，海月橫陳有去舟。  
閑裏琴書緣好客，向來鐘鼓不驚鷗。  
會將一滴曹溪水，洗盡胸中萬斛愁。

天台別編

熊應亨

孝宗時人

過多福寺次王龜齡壁間韵

七尺枯藤手自摩，閒過僧寺坐橫坡。  
花開曲徑霜前密，雲壓層城雨後多。  
田舍竹林分鷲嶺，山城蘆水漾魚波。  
禪床處處堆黃葉，獨剩寒松不改柯。

九江府志

張斗南

字唐英號釣浦羅源人  
淳熙己未進士後召對  
得郎署官兵部郎中

題逆旅詩

辭得官來性又便  
恰如病馬解韁牽  
雖無白日三聲

喏贏得清宵一枕眠

羅源縣志

林溪

字揚光

淳熙丁未初伏奉母避暑中巖

伽陀坐斷碧巖陰  
手眼無非利物心  
借我初庚滌衲

暑冷風美蔭木千尋

山下芙蓉雲錦裳寶餅淨供坐生涼南薰真是社中友清潤時飄衣袂香

禪榻陰森五月秋井泉甘冽近林幽助翁燕坐清涼

境茶具隨行試一甌

中岩石刻

傅自得

字安道濟源人伯壽父也少負文名三應博學宏辭科其文骨格雄壯波瀾浩博淳熙中官宣城太守著有至樂齋文集

九日泛舟同朱元晦

秋月天然白溪流鏡樣平喚船同勝賞把盞話□□  
擊楫魚頻躍忘機鳥尙驚茲遊還可繼家釀爲□□  
南安縣志

許褒光

淳熙時人

贈趙彥驄

有官千里再分竹無地半畦堪種瓜  
龍溪縣志

羅舜舉

淳熙時人

夢中作

臘酒催詩處春幡剪綵時

省齋集

孫應鳳

淳熙間福建德化尉

虎岩紀遊

月出山益高雲行月益忙樹影遍空白踈星避月光  
總非往者見不從意內量聰明此一進境界因久忘  
深坐庭露淹山僧促迴廊鼓鐘奏天樂經行重山堂  
暮戢動朝梵初日升屋梁佛心光見日林暉洞八方  
細雨霏日中飛煙青逐黃出門遶山逕兩道夾修篁  
茗根千百个却於山隈藏徑深見奇巘云與戴雲望

因之曳竹杖集伴凌高岡他年記此際風花帶天香

西塔

憶昨慈恩登極頂今朝眼界更分明飛簷高瀉銀河水  
隔岸遙傳寶鐸聲翥鳳呈輝看欲下潯龍露角望尤  
勃凌風好向蓬萊去一片香雲繞足生

寶藏寺洪鐘

枕畔鐃然寶藏鐘聲從何處入高墉蜀顛衰臂今如  
許喚起穹廬一卧龍

惠政橋

百仞崖邊有此橋地平路穩玉驄驕惠而知政今如

此拈起橋名問國僑

雙桂橋

橋前巧匠剪春羅橋上亭亭景物和  
明夜元宵一團玉連波還解似金波

獎溪橋

夕照斜陽柳外鴉杏園衰謝野人家  
欲尋春色無尋處盡在橋邊野草花

已上見德化縣志

陳元通

淳熙閒福建德化縣主簿

九仙山

九仙曾住九仙頭仙去山空歲月幽爲愛遍尋方外  
侶乘閒便向洞前遊蒼苔斷處踪猶在玉局殘來子  
未收換骨丹砂應幾轉吾生結得此緣否

德化  
縣志

### 五日登五華岩

來此逢端午山間薇蕨肥盈虧看井脉消息驗元機  
飢辦胡麻飯寒供薜荔衣俗緣今覺盡纔到已忘歸

德化  
縣志



朱詩紀事補遺卷之五十七

男內閣中書樹屏校

宋詩紀事補遺卷之五十八

歸安陸心源伯剛父輯

陳紹年

東陽縣人瞻學能文孝宗時以布衣上書論時事不報歸隱西明洞中與陳龍川往還講學論道遠近宗之晚年重建靈隱禪院因築書室朝夕坐卧其間吟弄風月爲人所膾炙號西明集

歸田

咫尺天關隔丹心空上書便隨遷客返還就野人居竹裏烟喧雀溪頭沙汎魚飛泉觀物性俯仰自舒徐

東陽縣志

廬國華

孝宗時官郎中福建提刑

致爽軒

亭臺水竹不多巧天與騷人作詩藁

輿地紀勝

楊炎正厲有

贈醫者陳國器

君不會三折肱又不曾九折臂海內行醫稱寡二活人無數不言功隨處得錢供一醉道是宋清君不是道似洞賓君不似蕭然藍縷一烏巾喚作醫家湖海

士觀君用藥如有神問君傳方殊不秘曾中活用三八法二十四證無不治痔兮痔兮何物哉我老甯堪爾爲累五醫十手療不得直待君來乞良劑病根截去不留殘勝似并州剪刀利

送竹根香鑪與人

枯槁形骸惟見耳彫殘鬢髮只留鬚平生大節堪爲底今日灰心始見渠

送東牋與人

檢點文房有宿儲楮先生輩亦中書小王辭客元無用大阮才高正要渠揮洒雅宜供五鳳緘題更可寄

雙魚春來觸物皆詩料從此賡酬莫見疎

送紙筆與何慶遠

阿連詩語已通神玉板霜毫不厭珍老我簿書安用  
此自應回施與青春

謝人送墨

黑月驚雲脫太清海風吹上筆頭輕瑣窻冷透芙蓉  
碧定有新銘到九成

送錢文季赴闕

赤城往歲南來雁送客去時歲云晚客來雁去兩三  
回悵望赤城天共遠狀元此去朝京師不待玉立春

班齊疾飛一步上芸閣有夢只報梅花知

送崔憲使赴召

詔使乘輶赴日邊此行何以異登仙蓬萊路近春風  
暖閭闔門開曉色鮮不用厯階三粉署便應平步五  
花塲有人借問湘州倅但道皤然雪滿顛

以上截江網

黃世長

南豐人兄世永世成孝宗時知名

句

溪上接秦頭遠江分燕尾

輿地紀勝

張孝芳

孝宗時知大甯監

儲福宮

三十六峯天與寄雲間只欠我題詩

輿地紀勝

香積山

鷄骨埋靈塔龍門口佛龕

又

昌州

發舟馬頭岸駐車牛尾驛

又

汪澈

字明遠自新安徙居浮梁登進士歷官參知政事卒謚莊敏宋史有傳

留題授上人曲肱齋

一室安巾鉢頽然了性空  
曲肱忘世夢行腳本家風  
山靜人稀到窗開意不窮  
我來頻假寐樂亦在其中

天台  
別編

張勇

孝宗時人

邀朱晦庵常平看梅

幾度交嗟把袂難  
皇華按郡得盤桓  
小園種得梅千

樹爲報相過一倚欄

宋詩  
拾遺

王易簡



字元鈞綿州人

題大像

□□未生時先有此石巖一從下生已□□□□□  
初發混沌竅吐盡龍宮函嗟□□□□巍坐當空嵌  
按足大地動□□□魔芟丹青架樓閣僅免苔蘚緘  
上方見頂相下方仰裙衫誰如福智人獨脫神鬼監  
龕燈集烟燿天花墜雲銜我行豈不遙迫此十口饒  
叩門覓津梁忽覩大力帆善哉此方俗不解走巫咸  
仰佛何拳拳盥佛何摻摻靈石兆三生神感浹至誠  
我出喏佛語誰能知聖凡刻

王宣子

孝宗時知廬陵

鳳巢山

古邑荒涼瞰小溪青山高與白雲齊鳳凰飛去巢阿閣未肯重來覓故棲

鳳凰飛去聽簫韶燕雀羣飛想見嘲記取舊時棲止

處莫教鷹隼誤來巢

粵西詩載

尤懋

孝宗時人

石井泉次沈揆韻

不知開鑿是何年已有新亭更翼然從此雲巖添勝事合教名亞第三泉

烟光滉漾映林巒井庑新泉漱齒寒品第試尋張陸記卻因今日又開端

靈源顯晦豈無時便有高人作已知賞識先從石湖

老發揚更賴隱侯詩

虎邱志

李誼

字宜之邠之孫孝宗時官建康通判見朱子文

集雲龕文集序王十朋贈李宜之誼詩曰謫仙

苗裔自非凡家學端能嗣大參一見便知空冀

北三年長嘯滯周南絕畦翰墨僕騷可請試言  
詞倚馬堪莫道南來橐無寶一編傳得小雲龕

釣臺

姜居渭水爲周相嚴隱桐江不漢臣試把二公較名  
節誰知總是一絲綸

輿地紀勝卷八

葛紹體

字元承黃岩人嘗師事葉適見謝鐸赤城續志  
著有東山詩文選見讀書附志

袁從道山廬三首

人生盡馳驚忙裏換烏兔白髮忽相侵紅顏若何駐

豈如向邱壑味此閒中趣  
鷓鴣啼春風鳴鳩換時雨  
煙林上筍蕨晴川下鷗鷺  
好景滿眼前興來可以賦  
貧賤與富貴願言履其素

竹屋已三閒花徑旋一新  
芳苞束碎錦細草鋪柔茵  
曾悟順動豫豈歎雷電屯  
箇中足俯仰世上誰經綸  
日月久棲遲姓名誰得知  
頭戴世儒冠身著山人衣  
峻領帶薄髭瘦首撐疎眉  
青編口能誦白飯手自炊  
香茗一兩碗濁澆三兩卮  
琴彈多舊曲牕題少新詩  
別去動經年坐來愁語離  
幽齋早葺罷借榻重歸時

送陳良卿

持我五字句送子千里別蕪菁滿地花柳絮漫天雪  
去去當何之苕川賸風月風月還相思江山豈相越

送林子柄繒雲令

交情苦疎濶君復是行人燈火誰同坐詩書只自親  
丹楓蒼嶺曉黃菊好溪春一別三年遠相思入夢頻  
送王伯逢泰輿令

楊子江頭路龜池草色新細調絃上曲間拂馬前塵  
遠塞秋風靜平疇夜雨勻遙知報嘉政勞我苦吟身

春日卽事錄一

一帶青煙護白溪溪流橫截路東西早春晴日自風

度嶺樹數聲春鳥啼

晚晴

風頭雨歇靜簷花  
渡口人稀解釣蓑  
零落斷雲無處著  
滿湖秋水夕陽多

曹氏寒碧卽事二首

屋頭楊柳綠參差  
小竹疎花此更宜  
簾漾水紋閒晝日  
早秋風物似春時

小牕棋靜一杯空  
多事蟬聲續斷中  
過雨涼生醉歸去  
不知明日又秋風

蒼嶺行 錄一

客自忙忙山自閒有情飛鳥去來閒石磯久坐風林  
靜一派泉聲落半山

懷元直弟

草色苔痕綠滿庭讀書聲向夢中聽溼雲冷雨更愁

絕寂寞旅牀思鵲鴿

以上東山詩選

邵度

金華人呂東萊門人

挽呂東萊先生六首

雨化三吳士風行萬古書石渠功不細鳳閣位方虛  
梁木何摧地泉臺欲駕輿來觀自燕者頑懦亦欷歔



玉石明胷次風雲在筆端教常先慷慨門不奔蹢躅  
籍湜疑培植房陳似羽翰中興依日月遺象聖王歎  
岐疑稱前輩淵源便老成及門多兌說在寢已蒙亨  
麟筆空遺恨箋詩正用情誰知兩楹夢湖海哭書生  
鼻祖雍熙政三傳壽國醫至今稱巨室有子號宗師  
白壁埋黃壤朱門罷素絲自今邦君無問政之所矣脊令臨祖道  
無計駐靈輶

名士聞風起英聲逐電飛卜鄰譙子至

天授挈家隨伊川先生

閑道洛人依

洛人化伊川教十餘家不用浮屠

共歎斯人疾何心入

揖歸七分書策在

張繹祭伊川云先生有言見于文字者有七分之一心繪于丹青者有

七分之儀七分之儀固不馬鬣向斜暉  
可益七分之儀或可推

鼓篋膠庠日公方屬外艱掘衣天不遇攻玉理應難  
問我好何學逢人察所安由今無拂士孤陋入心酸  
周明作

字居晦建陽人宣教郎朱子弟子

龍巖山

靈河直欲貫蒼崖神力摩挲石島開冰玉滿懷雲滿  
袂分明天上泛槎來

廣西通志山川

莫漳

君陳曾孫歸安人初知仁和擒豪勢受知於孝

宗遂除院轄以承議郎知平江府

句

一麾出守山水郡陽山正在君提封

輿地紀勝

葉西澗

官提舉與趙紫芝同時見截江網

建府戊午鹿鳴宴

黃堂燕衍盛衣冠人道魁星照建安多士權衡推月  
旦一番桃李屬春官升歌鳴鹿陪樽俎好與溟鵬插  
羽翰發策致身須正學功名久遠要人看

翰苑新書

岳霖

相州人忠武次子欽州知州

北還過靈山述懷

折菁原不爲憂貧那到天涯瘴海濱萬里雲山迷望  
眼十年踪跡愧前身拊膺尙覺丹心壯覽鏡還驚白  
髮新此去孤臣蒙雨露不堪圖繪是邊民

廉州府志

陳棣

字鄂父汝錦之子以任官至通判潭州著有蒙  
隱集

題范烏程松桂亭

誰云宰邑難宰邑有眞樂但知絃歌趣永謝塵勞縛

琴堂吏驚散晝日垂朱箔燒香對斐几文史資優學  
一洗朱墨昏至味非糟粕范公今循良一同聊笑謔  
回視卓魯輩政可束高閣苕溪古侯邦繁庶類京洛  
壯哉萬戶邑何異逢盤錯公來省其俗治劇操至約  
政成日有餘空庭可羅雀西園久棄置踈町走芑屨  
經營四顧間得地平如削築堂號松桂軒檻廠寥廓  
雖無松桂陰胷中自邱壑況逢賢使君成有新詩落  
異時採歌謠特用獻木鐸

次韻蘇伯言題所居鑑止軒

小軒劣容膝詎敢邀君詩君詩亟借重物趣俱新奇

簷前列蒼翠檻外瀦漣漪凭欄作癡兒欲靜忘五綈  
湛然俯明鏡水定心不馳微風忽披拂巾袂俄變移  
緬思東坡公昔與潁水嬉此樂五十年人間真未知

次韻鄭舜舉題簿廳交翠軒

人生一浮漚何適非暫寄會須脫塵勞談文不談利  
開軒得此君意愜投宿嗜未堪食鳳凰已足巢翡翠  
惜哉小牕櫳此地久何闕想當未開初甯免簿書累  
高人一披拂便有無窮意紛紛市廛子冠蓋亂如沸  
儻令見清標魄褫復喪器客如王子猷不速端可致  
嗟余飽憂患久矣無佳思舊學已榛蕪聞一豈知二

市肆羅無目聊爲將軍地斗酒詩百篇是乃公能事  
釣瀨漁樵行送嚴守蘇伯業赴闕

漁樵生長予陵州偶爲城市逍遙遊相逢欲話平生  
事以手加額頻點頭自言家世居村落頗厭吾邦風  
土惡大饑小歉偶一遭棄擲鋤耰弄刀槩三十年前  
事可驚錦襦綉帽爭乘城太平日久人忘戰衣冠荆  
棘戈鋌腥去年米貴無餘粟往往驚顧如麋鹿大開  
陳廩貸兼并卻笑鄰邦才食粥只今豐盈天報施餘  
糧棲畝麥兩歧牛羊日落草萊處場圃秋深櫛櫟時  
父老歌謠童稚笑懽聲萬口如同調向來遊手今良

農今日膏腴昔荒嶠漁樵無事官無逋民不識吏亡  
迫呼田間第見隨軒鹿道上兼無攫肉烏問云何術  
能臻此盡道吾公才德美文采風流求古人循良事  
業空前史公今去我歸朝天攀轅截鐙何當前願公  
早佩紫荷橐顧我擬續甘棠篇欲碑遺愛傳千古政  
聲未暇從頭數大書特書不一書請載漁樵當日語

食枸杞菊

并序

僕官桐川解舍迫子城城多叢杞野菊每歲  
自春徂夏擷以爲菹甘芳之味意珍羞無與  
比也偶讀陸蘇前後杞菊賦成古詩



君不見天隨有宅松江曲屋隙牆陰多杞菊課兒採  
撥入杯盤七箸芳香勝梁肉又不見坡公昔佩刺史  
符賓客少至無與娛偶餐杞菊作後賦捫腹噎嘔猶  
軒渠散人枯腸真食杞居士戲筆聊爾且膠西自古  
號侯邦齋居縱乏甯需此我口作掾長苦饑一區不  
異耕田時太倉紅腐才五斗舉家食粥甯忍炊頽城  
草木迷荒榭綠穎芳苕羅舍下官閒擷取芼春羹未  
棘未莎皆不赦三年享此似無饜二者誰云不可兼  
行趣歸襄耕谷口此物猶堪饒南畝

次韻葉秀實縣治環翠亭

亭高望遠破天慳萬疊晴嵐俯仰間著屐好追靈運  
逸垂簾尤愛愷之閑詩豪會見揮銀筆酒聖端能倒  
玉山杖履欲歸聊徙倚棲鴉寒帶暝烟還

合綴嚴宸玉筍班尙勞小試簿書閒溟鯢未擊三千  
里天驥終歸十二閑望氣行看求利劍知音當已識  
高山逼人富貴君甯免未許山陰興盡還

畏途蹤跡幾閒關浩氣空存天地間沈湎恨無千日  
醉浪游贏得半生閑觀書尙喜眼如月搜句誰憐肩  
聳山三徑曉來添逸興柳梢桃色報春還

題溫守梁尙書新創富覽亭

傑檻雄簷倚碧空玲瓏窗戶溼青紅因山卜地心幾  
巧望水如天眼力窮千里勝形吟筆內萬家和氣飲  
杯中吏民共指雙旌語今日梁公昔謝公

甲子歲除一夕夢與先子論詩有云未能免  
俗猶聽讖無計爲生只送窮此吾頃年詩也  
汝亦得之否某曰已在家集中旣覺泣書二  
章

驚風急雪不勝寒葦索桃符歲事殘里巷杯盤喧夜  
半兒童燈火守更闌年催老色歸鬢鬢詩引窮愁入  
肺肝無復斑衣頌椒柏只將血淚灑毫端

昔年浩氣許誰攀詩禮趨庭侍燕閒但喜新陽更舊  
律豈知斑鬢改朱顏時挑短燭傾蕉葉獨擁寒爐炷  
博山不覺詩翁送窮處空留膏馥在人間

以上見  
蒙隱集

### 王楸

字勉夫蘋蓀少孤力學母沒疏食布衣絕意進  
取題所居曰分定齋杜門著述時稱爲講書君  
有野客叢書三十卷巢睫橐五十卷晚年嬰廢  
疾卒

### 臨終詩

平生不學口頭禪腳踏實地性虛天臨歸不用求經

裏趁著帆風便上船

震澤鎮志

翟耆年

字伯壽汝文子有翟忠惠家傳籀史

題米元暉山水

善畫無根樹能描隴隴雲如今身貴也不肯與閒人

畫鑑

張偁

字子揚

題張子正觀察溪風亭

亭臨流水上口接古城隈日永簷楹靜春深錦繡開

鷗隨清漾遠風雜亂香來懷詠北山檄招邀翠作堆  
碧水通三徑高風重五侯知深丹展眷未許赤松遊  
山簡慙爲郡齊公晚得周會敘濱海詔再運釣鼃鉤  
天台別編

楊誠之

東萊門人

挽呂東萊先生四首

德性天然具文章少已工  
淳明范太史簡澹小申公  
聖學驪珠貫人材水鏡空  
膏車輕萬里垂發哭途窮  
宇量諸公上聲名一世宗  
平生無一愧度外有兼容

縵斷一尋井蘿枯百尺松紛紛河海士末路更誰從  
久屬蒼生望溫然兩玉人長沙纔賦鵬絕筆遽傷麟  
時南軒逝告未幾而公下世自牖無遺納遭時有未信萬牛回首  
處深谷卧輪囷

共惜堂堂去真成種種休中原渺歸計清洛更東流  
鍛鍊言猶在從容志未酬何心誦遺草有路慟西州

康文虎

字炳道與弟文豹字蔚道皆東萊門人

挽呂東萊先生

中興以後誰堪數名滿東南震昔賢舊論當時存喘

息微波今日塞天淵承平格力回全盛人物風流繼  
往年太息何人知所自此心時復一潸然

國尙有人悲此老天其喪我泣吾曹平生心是知誰  
與悵望今人論太高便欲卑心隨故步豈期中路喪  
連鰲先生已死吾何望舉眼猶知有鳳毛

劉次臯

字允叔

次韻胡少瀹題梁王山蟠松詩

長松上梢日月宮昂霄聳壑材甚雄不肯甘心卧雲  
巖有時見夢十八公汗顏血指那知大匠自有體斬



伐丁丁朝夕聒人幽耳聾豈知吾鄉華頂一峰八萬  
四千丈下蟠天天矯矯奇奇怪怪之蒼松樛枝半厭  
魯隱九年之大雪雅韻曾和虞氏五絃之薰風八千  
靈椿三千桃實幾番見何況籬下黃菊江頭赤葉楓  
蕭梁劫火燒不死坐閱五季鹿走天下人亡弓山中野人  
常獲鉏耨牙金世人欲識吾家所擾真龍種請看春  
矢鉞劍戟之屬雲從礪砢蹙縮輪囷擁腫可挫不可  
辱堅剛正獨盤薄偃蹇受命不受封無用之用不器  
之器振古成白晚天台道人何苦汲汲圖象寄涪翁  
搜腸鏤腎狀出怪松替口言挺而茂者肥瘠貴得中

涪翁陸魯望有  
天台怪松圖贊  
吁嗟九原相如不可作飄飄詞賦誰

摩穹闔風逸民自愧才力薄北斗以南惟有四朝之

老農

天台別編

余端禮

字處恭龍游人第進士官至參知政事宋史有  
傳

勸農石頭城賦

去年出郊春欲泮鍾阜林巒青未半今年此日蟄初  
驚動地春光滿石城柳如簇金梅碾玉川原高下麥  
苗綠一聲布穀已催人吳儂莫問春遲速蒼顏老守

政無奇只要我民不苦飢奉詔偕行兩赤令職在勸  
農無擾之鮪背龐眉數十安聽取吾言醉此酒但遣  
兒郎力南畝不慮三錢無米斗米斗三錢大江東從  
今更祝八方同同見三登太平日老守不願萬戶封

景定建  
康志

### 王述

文正公旦之後父綸謚節愍宋史有傳綸死難  
述負骨自河間返葬蘇州之陽山遂家吳中

### 遊虎邱

尋勝招提去追隨李郭舟水雲迷遠日烟景變新秋

大慙幽人賞應忘倦客愁歸來須及晚初月在山頭  
志虎邱

謝驛

驛字處厚堯仁子父子以詩文並名江湖間南  
軒張栻于湖張孝祥咸敬愛之

軍峰

倚天青壁瘦巉巖下有神龍捲作潭龍欲出時山吐  
氣黑雲隨手暗江南

杭州

誰把杭州曲子謳荷花十里桂三秋那知卉木無情

物牽動長江萬里愁

以上江西詩徵

馮元表

元表襄陽人嘗從戴之邵起義入洛補官不就  
復上書孝宗改授文資終善化縣丞項安世挽  
之云戎服開清洛儒書謁阜陵又云字畫清能  
謹詩章秀以醕

淮沙夜泊

寒雁來時秋冷落蘆花飛處水縈迴家山本在江南

岸卻入淮南夢裏來

宋詩拾遺

陳子常

字常翁仙遊人著有周禮解

井田封建圖

爲成者十復爲終終十還爲百里同祇爲諸儒泥方法不知起數總皆縱

全閩詩話子常精於周典如井田封建先儒所未發明者悉畫爲圖有詩云云

王介

字元石婺州金華人通諸經尤精周禮從呂成公學紹熙元年廷對極言小人倡道學之名以禍君子非國家福末言今日之事莫大於復仇天子覽之嘉歎擢第三僉書昭慶節度判官有

文集春秋臆說通鑑釋標釋標者釋成公所標也僅至漢止後諡忠簡

鄞縣館中書事

今日移硯席又上白雲邊夜氣清於水春愁薄似烟  
庭前松已腦門外柳應綿尤喜安床處更深無杜鵑  
敬鄉錄

周南

字南仲吳郡人紹熙庚戌登甲科官至秘書省  
正字再以薦入詞館皆不久罷去遂以殿廷所  
授文林郎終焉著有山房集

挽秘撰趙郡運子固

舊學虛蒙一字褒暮年曾得拜江臯丹砂雅意成前  
約玩印連章避左曹事略可曾隨手見死生應歎有  
身勞只今蛻迹西林去始得先生早退高

公自隆興  
歸南始參

識于  
京口

南仲將至荷葉浦舟人憂鼠竊不敢宿浦下  
迨曉方渡聞久無荷矣

晴波綠淨渺如湖認得荷花似子都疑是天孫憎俗  
駕急收雲錦長萑蒲

過青陽齊邱舊隱

本應天寺  
改爲微賢



舊學縱橫術已精不妨高卧且辭榮可憐三別秦淮  
路不得終南處士名

利盡漁民五季年誰蠲丁口畝輸錢不將公量輸家  
邑漫把徵賢改應天

十九日初程至青陽趙令尹遣妓出迎自至

池不赴樂飲至此望見令卻之

慶元丁巳九月

飄泊韓城兩歲年巧粧那計紫薇篇毛嬙乍用驚飛

鳥買藥韓休更可憐

山房集

宋詩紀事補遺卷之五十八 男內閣中書樹屏校